



職方典第八百三十三卷

鳳陽府部彙考七

鳳陽府漕運考

通志

府屬總

康熙二十二年額徵漕糧正改兌正耗粳粟米六萬七百一十石九斗七升五勺二撮八圭零  
除荒外實徵漕糧正改兌正耗粳粟米四萬三百七石五斗一升九合五勺五抄三撮四粟九  
粒零 內正兌粳米一萬一千二百一十四石五斗四升六合四抄零 耗米三千三百

六十四石三斗六升三合八勺一抄零 改兌粳米九千三百八石二升九合二勺一抄零

耗米二千三百二十七石七合三勺三撮二粟零 正兌粟米五千二百三十七石八斗九

升三合九勺六抄零 耗米一千五百七十一石三斗六升八合一勺八抄零 改兌粟

米五千八百二十七石四斗四升八合八勺二抄零 耗米一千四百五十六石八斗六升

二合二勺五撮零 贈米二千四百四十四石五斗三升七合一勺四抄零除荒外實徵贈

米一千六百四十四石七升四合一勺零

贈銀二千四百四十四兩五錢三分七釐一毫

四絲零除荒外實徵贈銀一千六百四十四兩七分四釐一毫八絲零

輕費船料旱腳銀

八百四十一兩七錢七分六釐五毫二絲零除荒外實徵銀六百四十四兩五錢三分五毫三

忽零

攤帶清河縣蓆折銀一十兩四錢四分八釐八毫五絲零除荒外實徵銀九兩一錢

五分七釐一毫四絲零

蘆蓆三分本色七千一百三十九領三分二釐七毫三絲零除荒

外實徵三分本色蓆四千七百三十八領一分八釐七毫七絲六微三纖六塵零

裁扣書

辦工食銀一千八百五十四兩八錢三分四釐五毫二絲零人役工食銀六百一十七兩二錢

一分八釐五毫三絲零又新增陞科銀四兩七錢三分九釐六毫八絲零

加漕銀二千一

百五十四兩三錢四分四釐二忽零除荒外實徵銀一千四百九十一兩八錢五分二釐三毫

五絲零

歸併省衛新增等銀二千九百一十一兩八錢六分一釐八毫四忽零除蠲免外

實徵銀一千九百六十七兩二錢六分五釐五絲五忽九纖一沙零

歸併省衛協濟銀八

百八十三兩五錢六分四釐二毫三絲零除蠲免外實徵銀七百三十八兩四錢一釐七毫三

絲零 戶口鹽鈔銀二千三百六十九兩八錢六分六釐八毫七絲零除荒外實徵銀一千

七百二十三兩六分五毫二絲零 廣濟倉折色銀一千八百六十五兩一錢七分一釐一

毫三絲零除荒外實徵銀一千二百八十八兩四錢五分四釐六毫三絲七微二纖五沙零

鳳泗等衛見運減存月糧折色銀二千四百七十兩八錢三分九釐三毫九絲九忽六微除荒

外實徵銀二千四百八兩五錢六分五釐八毫二絲九忽零 鳳泗等衛見運減存月糧本

色米一千九百三十九石六斗除荒外實徵米一千七百九十一石八斗五升九合一勺八抄

零 鳳泗等衛見運減存月糧本色麥一千八百五十七石七斗九升八合四勺九抄九撮

除蠲外實徵麥一千四百三十五石三斗九升八合四勺九抄九撮 鳳泗宿長六衛各幫

運隨俸廩工銀二千一百七兩五錢九分

鳳陽府風俗考

通志府志合載

本府

史記其俗矜刻

漢書地理志汝南之別皆急疾有氣勢

實字記鳳陽性率真直其食

杭稻其衣絕布

歐陽修序土厚水甘而風氣和

宋進士題名記地闢民聚風俗淳美

異聞錄俗尚禮義視昔爲盛

舊志淮南著美風流所被文詞並興

方輿勝覽俗慕學

問才產文武

濠梁志在城務商在野勤嗇無告訐之風

鍾離風俗號稱近古兵燹之

後地瘠民貧趨於陵競

壽州圖經務儉勤農知慕孝行

泗州圖冊人以信行爲先與

洙泗接壤有士君子之風

臨淮記民士淳厚彬彬然古之遺風

龍侍御記天長民樸

而慝士質而文

冠禮舊無常禮按明成化初提學陳臨海追古三加之禮兼擇文公冠儀

命諸生習於學宮士大夫家能踵行之耆老與鄉飲則深衣幅巾先年士夫間有行之者

婚禮六禮止通名納采餘禮皆不行定遠縣民俗貴財富自納采後歲時節序皆有禮以通好

繼行二禮曰小茶大茶待親設宴過於侈盛貧家或稱貸而始克備多致男女失時惟士大夫

家嫁娶主於擇婿不用婚聘禮物宴會多從省約有古遺風潁上縣親迎之禮曠焉不講但時

務虛文又有因弔喪而納婦者謂之孝裏扶此中都之惡習最宜痛革

喪禮殮殯葬皆不

合家禮卜葬之前多有張鼓樂作戲會賓僭名器以尙奢華作佛事以瀆典禮尤可異者三朝



張樂設燈親友送至城隍廟謂之送三及出殯日設牲陳祭雖極貧家亦往往尤効獨不思徒飾文靡略於擗踊與易窆戚之謂何所宜痛革喪葬惑於異端陰陽禍福之說凡遇父母以下至親有喪殮殯棺槨不加之意而於僧道追薦誦經則極力爲之死不卽葬或曰山家不利或曰星命相妨致有停柩數年甚非禮意且于時憲士大夫家治喪注意衣衾棺槨葬不踰時屏去僧道不用貧者亦盡心營葬不能舉者親友助之

祭禮士庶家每遇清明中元冬朔除

夕皆上墳掃墓如常儀無祠堂惟于所居正室中間設案置主而以歲時供祀其禮有祭無薦士夫之家則設有祠堂祭薦兼舉

宴會先年物力饒裕慶弔酒筵不過十數簋然皆瓦缶

小器今時值財窮百事凋敝愈競豐美正席之後又有翻席斗碗宮碗爭相誇耀主持風教者急正之亦厚風俗之一端也

立春前一日造土牛官吏師生迎春於東郊迎春日競看土

牛老少盈途立春日祭芒神試耕種各家作春盤春餅飲春酒立春前一日迎春教場蹴鞠走馬士民競往觀之

元旦鷄鳴起主人肅衣冠率子弟焚香拜天地次祭竈次拜祖先焚楮

錢爆竹畢壽尊長明旦親朋交相賀燭松柴親族鄰里相拜賀或攜酒殺至初三日乃止男女

聚飲謂之填倉燕會盡月而罷

正月上旬各家女子鳴鑼擊鼓邀天仙或廟姑問歲時吉

凶

上元士庶家蒸麪食如繭謂之宜蠶夜則張燈於門謂之耗燈街衢搭松棚放花炮鑼

鼓通宵用楮竹爲花鳥人馬之像士庶嬉遊至十六夜謂之走百病各接女子歸寧

仲春

之以驚蟄日陰晴占一春之晴雨

清明插柳掃墓農家浸種下早秧折柳插頭及門之

左右俗謂之辟邪各家墳塋添土插竹掛紙錢具饅頭牲醴以祭之是日前後士民攜酒殺遊

郊外謂之踏青

孟夏之月八日浮屠有孟蘭之會

端午五月五日包角粽飲菖蒲雄

黃酒懸艾貼符於門又以五色線繫於兒女手號爲長命縷是日龍舟競渡俗謂弔屈原

六月六日是日曬衣曝書以陰晴占秋成之旱澇

七夕設瓜果於庭名爲乞巧女子遙拜

織女星

中元七月十五日祭先祖墓如清明儀謂之鬼節

中秋夜焚香月下拜畢陳

瓜果老幼團坐食之謂之玩月取一家團圓之意

重陽蒸糍糕相饋送登高飲茱萸酒

下元十月一日祭先祖墓如清明儀焚寒衣

冬至官長師生賀長至民間不行各備香燭

殺酒祭祀祖先

臘八十二月八日以諸果實和肉煮粥謂之臘八粥

祭竈臘月二十

四日掃舍宇設果酒祭文祭電

除夕前一二日各家修果餅饋送親友謂之饋歲除日換

桃符貼春聯易門神謂之從新是夜各具牲醴祀神謂之送殘年明燭燒香熾炭燔柴圍爐環坐謂之守歲先期備品物爲新歲罷市數日之用五更放爆竹燔蒼朮辟瘟丹謂之辟邪備牲醴詣墓所祭告熱火於庭謂之燎歲長幼懽慶拜天地祖先謂之辭舊

鳳陽府祠廟考一

府志

本府

鳳陽縣附郭

大社壇在舊闕門右

大稷壇在大社壇右

南壇卽風雲雷雨山川壇在大城南門外

歲春秋二仲月上戊日致祭

北壇卽無祀鬼神壇在大城北門外歲清明中元孟冬朔致

祭

都城隍廟在府治西南感應坊明洪武時建

皇清康熙十年冬廟災唯存兩廊數楹知府章欽文率僚屬鳩工知府耿繼志捐俸落成

府城

隍廟在臨淮縣移風門內明洪武初以縣治爲府故府城隍廟在焉歲春秋二仲月上戊日合

祭於風雲雷雨山川壇

文昌閣在府治西南譙樓上歲春秋二仲月上丁日致祭

魁



星樓在府學西首歲春秋二仲月上丁日致祭今圯

府土地祠在府治內大門東

龍

王廟在獨山門東五里許

八蜡廟在獨山門東五里許祀先嗇司嗇百種先農來嘏貓虎

水防水庸之神

旗纛之神神原無廟唯於霜降日致祭于演武場

縣文昌廟在文昌

街龍興寺右

縣城隍廟在山後舊縣治東新縣治東北四十里許

忠義祠在大化坊

創於宋時韓仔秦允各以所部兵與金血戰死死後人爲立祠

忠孝祠在縣治西祀宋死

義鈴轄石侯及韓仔秦允國鳳卿邵青陽丁照元七人左右以教子王澄張全配後改爲學宮

祠廢

貞烈祠在縣治西舊爲乾明庵明嘉靖十三年鄉耆楊榮請祀烈婦張氏李氏知縣

謝廷舉准卽庵建祠并祀宋元以來節婦鍾離婦聶氏孫氏丁氏王氏周氏呂氏閻氏錢氏莫

氏張氏梅氏呂氏等十三人

都土地祠在西岡下

臨淮縣

社稷壇在清流門外岡下路西知縣賈應龍建

風雲雷雨山川壇在清流門外岡上路東

知縣賈應龍建

邑厲壇在北壇之右知縣賈應龍建

城隍廟明洪武中建於宣化坊

皇清順治六年淮水入城衝頽康熙八年移於南察院舊基修建

文昌樓舊在清淮門上明萬

曆五年兵備道朱東光知縣鄭之亮同建後復移於舊學宮之鐘樓淮水堦圯暫寄神像於通

### 真觀中

皇清康熙二十三年知縣陳宗彝重建

魁星樓舊在鐘樓上明萬曆三十三年知縣賈應龍建

亦因淮水堦圯暫寄神像於道真觀中

八蜡廟在北壇之左

瞿相公祠在縣南十里

瞿相山

忠義祠大祀坊久廢

忠孝祠在天妃宮側久廢

貞節祠

### 懷遠縣

社稷壇在縣北一里明洪武三年建

風雲雷雨山川壇在縣南一里明洪武三年建

邑厲壇在縣治西北

城隍廟在縣治西南半里

崇伯觀鰥廟也在塗山西麓

禹

廟在塗山絕頂唐彭晁作廟記略云禹會諸侯於此故村名禹會有夏家禹家皆禹之裔東坡

詩云可憐淮海人尙記弧矢旦註云淮南人相傳禹以六月六日生是日數萬人會山上慶元

元年給事中許及之題曰有夏皇祖之廟郡守劉光鐫於石明定祀命有司於六月六日致祭

直指謝正蒙捐贖醵置祭田一頃五十六畝四分五釐增春秋二丁祭

啟王廟唐人袁思

邈記云漢高祖過此命立廟禹鎮塗山啟居荆山廟舊在山麓後改建山巔明景泰三年知府

仲閔重修

關聖廟在荆山麓

八蜡祠在社稷壇西

馬神廟在縣治內

名臣

祠爲戶部尙書年富建在儒學敬一亭旁

楊公祠爲楊瞻建舊祠在荆山巔後改建兩山

書院今俱廢祀典猶存

三侯祠三侯何立陳邦翰潘登貴祠在儒學右

貞烈祠在縣

治西南城隍廟側明萬曆年建祀花將軍妻鄧氏等以下十有四人

定遠縣

社稷壇在縣東北一里

風雲雷雨山川壇在縣南二里

邑厲壇在縣西北一里

城隍廟在縣治東制錦坊

文昌祠在巽峯閣前

馬神廟在縣東

包公祠在縣治

西以時祀之宋包拯嘗知縣民爲立祠後廢明永樂二年知縣劉震重建

貞烈祠祀明正

德年不受賊汚烈婦居氏等八十一人

五河縣

社稷壇舊在縣西明嘉靖三十五年知縣高珍徙於縣北

風雲雷雨山川壇在縣南一里

明知縣高珍重修

邑厲壇舊在縣南明知縣高珍徙於縣西

城隍廟在縣治北明嘉

靖二十五年建

土穀神廟在縣西南四十五里今廢祀典猶存

大忠祠在北城臺祀

泗國耿武莊公明嘉靖三十六年知縣高珍建

雙忠祠在縣北二十里祀唐忠臣張巡許

遠

孫烈女祠在天保宮後知縣高珍建

虹縣

社稷壇在縣治西一里

風雲雷雨山川壇在縣治南一里

邑厲壇在縣治北一里

城隍廟在縣治西一里明天啟元年知縣張鳳翼建

文昌閣在儒學東南明萬曆十五年

知縣楊際明創建張四教落成天啟元年張鳳翼重修

魁星樓在儒學左永巷東明知縣

伍元正建

八蜡祠在西關外汴堤上

馬神廟在縣治東

四君子祠在縣治東祀

何楊任張四令旁附徐陳二尉

壽州

社稷壇在城內西北隅

風雲雷雨山川壇在州南一里

州厲壇在州西北

城隍

廟在州治東

文昌祠舊在學左廢今建於學西北

八蜡廟在州治北

君子祠在

瓦埠祀先賢宓子賤明知州趙宗劉天民修王鑒又卽隙地佃民出息供春秋祭祀

孫相

祠在芍陂塘祀楚相孫叔敖知州劉槩建明嘉靖己酉知州栗永祿重修

謝公祠在八公

山祀謝康樂

留犢祠在城內西南祀壽春令時苗

董李二賢祠在隱賢集祀孝子董

召南李興有碑記明知州劉槩王鑒繼修

安豐董子祠在正陽祀董召南

黃公祠在

州東祀明郡守黃克纘

楊公祠在北山祀明御史楊瞻

湯公祠祀明御史湯鼎

舒公祠在芍陂塘

霍丘縣

社稷壇在縣治西北

風雲雷雨山川壇在縣治東南

邑厲壇在縣治東北

城隍

廟在縣北門內明洪武四年建

關帝廟在縣北門內

八蜡廟在縣北二里知縣姬之

簋重修

叢公祠祀叢御史

女忠祠在縣治東祀明執義死難黃孺人陳氏李氏

蒙城縣

社稷壇在縣西南

風雲雷雨山川壇在縣東南

邑厲壇在縣西北

城隍廟在縣

東門內元至正年建

文昌祠在學櫺星門東

莊子祠宋王兢建蘇軾有記祠久傾明

萬曆九年知縣吳世鸞建祠於東門外中有逍遙堂夢蝶樓觀魚池橋俱廢崇禎六年知縣李

時芳復擴其舊爲一邑勝觀

邵侯祠在東門內祀邵型

谷侯祠在察院西祀谷文魁

曾侯祠在東門內祀曾化

孫侯祠在察院西祀孫從

王侯祠在東門外祀王繼賢久

圯有碑

王侯祠在東門外祀王伉久圯有碑

呂侯祠在東門外祀呂希尙久圯有碑

王侯祠在察院西祀王化澄

楊侯祠在察院西祀楊子奇

黃公祠在莊子祠後祀黃

貞麟

陳師祠祀陳文瑞

七節祠在縣東南祀謝氏等七節婦明萬曆十一年知縣吳

一鑾建

七真祠在縣東四十里

表真祠在察院西祀節婦烈女盧氏韓氏等二十四

人

泗州



社稷壇在香華門西一納庵之左

風雲雷雨山川壇在西門外西南隅

州厲壇在西

門外

城隍廟在州治西北元泰定二年建明永樂十六年修今爲積水浸灌移神行壇於

州西鄉約所

魁星樓在儒學左以文昌祠廢今奉帝君像合祀於其上

禹公廟在浮

橋口後廟焚移神像於廻瀾閣

河神廟在南門外

八蜡廟在東門外

馬神廟在

州治東

金尚書祠祀尚書金純在走馬街今廢

贊山祠在贊山上隋有趙徵君讀書

於此後人立祠祀之今廢

南霽雲祠在走馬街明州守汪應珍建後改爲社學今廢

趙清獻公祠在州治東名朴宋州判也明州守袁淮建今廢

臧吏部祠在院治西祀臧杰

常少參祠在南門街祀常三省

義勇祠祀義士蘇智蘇旺等在雙溝東岸

周義士祠

在南門內

烈女祠祀雙溝烈婦俞氏在本鎮西

馬邵二公祠在南察院右祀舊直指

馬斯藏邵陞

顯忠祠祀明進士李詔賢

盱眙縣

社稷壇在縣西北

風雲雷雨山川壇在山麓

邑厲壇在北山上

城隍廟在縣治

西南 先農廟卽八蜡廟

淮濱廟在下龜山寺西南有石刻淮濱二大字歲五月十八

日縣官備牲帛致祭

呂東萊祠東萊六世孫伯宗招撫盱眙家於此明知州汪應珍建祠

歲有常祀

周濂溪祠七世孫體乾爲宋制置使裨將守泰州城陷避難招信因家焉明季

有司申請建祠令子孫奉祀

范文正公祠明洪武初撥富民四十萬戶填實鳳郡其子孫

遂入籍盱眙後各上司捐金置祠仍選族人俊父者充弟子員主祭

雙貞祠在縣東北陡

山下新河口大淮邊明隆慶二年建祀何氏二女

馮恭節公祠在城內

忠烈蔣公祠

在城內

天長縣

社稷壇在縣西城外

風雷雨山川壇在縣南城外

邑厲壇在縣北城外

城隍

廟在縣治東明洪武四年縣丞嚴植建

皇清康熙七年知縣江映鯤重修

魁星樓在儒學東南城

八蜡廟在東關外市南知縣李

自蕃重建歲時爲民祈報

馬神廟在縣治東每歲六月二十四日致祭

沃公祠在東

城外

二賢祠在縣治東祀包孝肅朱壽昌後廢

李公祠在西郊外祀李自蕃

臧

公祠在汶鎮祀臧太初

李公祠在縣西門土壩祀李逢春

李公祠在縣西七十里祀

李毓秀

羅公祠在東門內祀羅萬象

宿州

社稷壇在北門外之西北

風雲雷雨山川壇在南門外

州厲壇在北門之東北

城隍廟在州治東明知州黎用顯萬本先後創建萬曆中崔維嶽重修

禹王廟在符離月

河北岸廟前有鐵牛用以厭水明弘治七年遣內官監李興太子太保平江伯銳都御史劉大

夏以香帛牲醴祭告

皇清康熙四年知州盛啟方捐俸重修

相山廟在州西北九十里相山之巔其行祠在州治東

馬神廟在州治東北明正統間州判成得春建

閔子廟在州北七十里閔子鄉之鸞山南

舊有祠元末燬於兵明成化間督學御史司馬聖命知州萬本重修明嘉靖中巡按御史蘇佑

撤而新之萬曆中巡按御史高舉命知州陳條復修之置奉祀生四名贍祀地三百畝